

Transkription von Stadtbucheintrag SWN 1362c

Ort, Datierung: Schwerin, 1362-02-13

Signatur: Landeshauptarchiv Schwerin, Rep. 1, Schuldbriefe I, 24,3

Inhalt: Alberd (tu Mekelenborgh): Schuldurkunde

Wÿ alberd (it cetera) Bekenne(n) vn(de) bethugen apenbare in desme breue . dat Wi van / alder scult
de Wi vnsem leue(n) truwen . Herme(n) berchdorp knapen ¹ vn(de) sine(n) erue(n) / sculdich hebben
Wesen . Went in dessen dach sint reddeliken ² vn(de) rechtliken / sculdich bleuen mit vnsem erue(n) .
Dem sulue(n) herme(n) kerchdorp vn(de) sine(n) eruen / drehundert mark lubiscer suluer pen(n)ighe .
Dar vor hebbe Wi em ghesat vn(de) laten vn(de) setten vn(de) laten in dessem breue tũ eme rechten
brukliken panden dat / hogeste richte des houes vn(de) des gantzen dorpes tũ Wenttorpe dat in dem /
kerspele tũ eksen licht , also alz de sulue(n) hof vn(de) dorp in erer gantzen ³ stede ligghen vn(de) / dar
tũ al vse bede de Wi edder vse erue(n) in dem sulue(n) dorpe hebben . edder de / vs Jenigerleye Wis
dar me boren mach . desse vorben(omeden) richte vn(de) bede . scole(n) hermen / vn(de) sine eruen .
vornomet bruckliken vn(de) vrÿ⁴ vrÿ vnd(e) vnbewore(n) besitten vn(de) vpbo=/ren vn(de) sik nũtte
maken . sunder aflach vn(de) sunder ienigerleye rekenscop . vns / edder vnsem erue(n) dar af tũ donde
. Went solange dat Wi edder vse eruen / hermen vorben(omende) edder sine(n) erue(n) . de
vorben(omeden) drehundert mark in ener sum(m)en vn(de) . / in ener stede . Dar se en brukkellike(n)
sint genseliken bered . hebben vn(de) Wan de / beredinghe schen is . so scal desse vorscreuen richte .
vn(de) bede . vse vn(de) vser eruen / Wedder leddich vn(de) los wesen tũ thuge desser dinch is vse
ingesegel henget vor / dessen bref de gheue(n) vn(d) screue(n) is na godes bort druttienhundert jar in
dem / twe vn(de) sostegsten iare in sunte Valentines aue(n)de des hilgenmertelle(re)s . Tughe / sint
hinr(ik) van strale(n)dorp . hen(n)i(n)gh knop vn(de) mathies rauen riddere . vn(de) vele ande(re) /
lude de truwe Werdich sint . /

¹ Herme(n) berchdorp knapen im Original unterstrichen

² ursprüngliches reddeken wurde vom Schreiber zu reddeliken korrigiert

³ gantzen zwischen erer und stede nachträglich über der Zeile eingefügt

⁴ erste vrÿ im Original durchgestrichen